



Broj: 08-40-589-18/20
Datum: 01.04.2020. godine

Općinski štab civilne zaštite Općine Velika Kladuša na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj: 39/09, 22/06, 43/10), Uredbe o načinu davanja i vraćanja materijalnih sredstava uzetih za potrebe civilne zaštite („Službene novine Federacije BiH“ broj: 23/04, 38/06), Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06, 5/07, 32/14), Naredbe Kantonalnog štaba civilne zaštite USK-a broj: 15-40-4-3326-5/20 od 23.03.2020. godine, Odluke o proglašenju stanja prirodne nesreće zbog pojave bolesti izazvane koronavirusom (COVID – 19) i trenutne epidemiološke situacije na području općine Velika Kladuša broj: 02-40-587/20 od 19.03.2020. godine, Općinski štab civilne zaštite Općine Velika Kladuša, donosi:

NAREDBU

I

Nalaže se Prvoj osnovnoj školi Velika Kladuša stavljanje na privremeno korištenje i raspolaganje objekat aneksa Prve osnovne škole Velika Kladuša (tzv. zelena zgrada), za potrebe Doma zdravlja Velika Kladuša, u svrhu uspostave lokalnog izolatorija (u koji bi bile smještene teško oboljele osobe koronavirusa COVID – 19 III kategorije, kao i srednje oboljele osobe koronavirusa COVID – 19 II kategorije po procjeni ovlaštenog ljekara). **ROK: ODMAH I DO DALJNJEG.**

II

Sve organizacije koje se žele uključiti u pružanju pomoći starim i iznemoglim osobama koje su u samoizolaciji ili zdravstvenom nadzoru zbog preventivne zaštite od koronavirusa COVID-19, kao i ostaloj starijoj populaciji, svoje djelovanje moraju prijaviti nadležnom Crvenom križu Općine Velika Kladuša, Crvenom križu Unsko-sanskog kantona i Općinskom štabu civilne zaštite Općine Velika Kladuša. Kod uključivanja u pružanje pomoći strogo se pridržavati propisanih mjera iz Naredbi Federalnog, Kantonalnog i Općinskog štaba civilne zaštite. **ROK: ODMAH I DO DALJNJEG.**

III

Izveštaj o poduzetim radnjama i aktivnostima iz ove Naredbe dostavlja se Općinskom štabu civilne zaštite Općine Velika Kladuša.

IV

Ova Naredba stupa na snagu danom donošenja.



Komandant Štaba Civilne zaštite Općine Velika Kladuša
Refik Tabaković